

**Pinerluuteqarsimasunik Isumaginnittoqarfiup  
isertitsiviutaaniittut aneertinneqartarerat pillugu nalunaarut  
(aneertitsisarneq pillugu nalunaarut)**

Kalaallit Nunaanni pinerluttulerineq pillugu inatsimmi nr. 306-imi, 30. april 2008-meersumi § 213, imm. 2, § 214, imm. 7, § 226, nr. 5, § 238 aamma § 245, imm. 4 tungavigalugit makku aalajangersarneqarput:

Kapitali 1

*Ataatsimoortumik malittarisassat  
Aallaqqaasiutitut aalajangersagaq*

§ 1. Isertitsivinniittut pinerluttulerineq pillugu inatsimmi § 214-imi aamma nalunaarummi matumani malittarisassat tungavigalugit aneernissaminut akuerineqarsinnaapput, aneernerup siunertaa ilinniagaqarnermi, sulinermi, katsorsaanermi ilaqutariinnermilu isiginiagassanik imaluunniit inuttut inuunermi isiginiagassanik allanik naammaginatumik tungavigilersorneqarsimappat.

*Atornerluiniarsinnaanermik naliliineq*

§ 2. Isertitsivimmiittoq aneernissaminut akuerineqarsinnaanersoq naliliinermi isertitsivimmiittoq imaattuunersoq pingaartillugu isiginiarneqassaaq:

- 1) ulorianaatilimmik pinerluuteqarsimasutut eqqartuunneqarsimanersoq, matumani toqutsisutut, piaaraluni ikuallatitsisimasutut, annersaasimasutut kinguaassiuutitigulluunniit pinerluuteqarsimasutut imaluunniit inatsisinik sakkortuumik pikkorissaarlunnarluniluunniit unioqqutitsisimasutut eqqartuunneqarsimanersoq ilanngullugit eqqarsatigalugit, piffissamilu eqqartuussummit pineqaatissiinerullu qaangiunnerata tungaanut iperagaasimannginnersoq,
- 2) pineqaatissinneqarsimanermi nalaani qimaasimanersoq qimaaniaraluarsimanersorluunniit,
- 3) pineqaatissinneqarsimanermi nalaani pinerluuteqarsimanersoq,
- 4) pineqaatissinneqarsimanermi nalaani siusinnerusukkut aneernermini utinngitsoorsimanersoq imaluunniit aneernissamut akuersissummik allatigut atornerluisimanersoq, imaluunniit
- 5) siusinnerusukkut pineqaatissinneqarsimanermi nalaani nr. 2-4-mi taaneqartutut iliuuseqartarsimanersoq, ingiaqateqarani aneernissamut piunasaqaatit kingusinnerusukkut eqqortinneqarsimanngikkaluartut,
- 6) pineqaatissinneqarnini naapertorlugu isertitsivimmiikkiartorluni takkutininngitsoorsimanersoq.
- 7) ukiut kingulliit pingasut iluanni isertitsivimmiinnissamut eqqartuussutit ikinnerpaamik marluk naanerisa kingornatigut iperagaasimanersoq, pinerluuteqarsimanerillu iperagaanerup kingulliup kingornatigut qaammatit arfinillit kingulliit iluanni tamakkiisumik ilaannakortumilluunniit iliuuserisimasani pissutigalugit eqqartuussaalluni isertitsivimmiinnerminik massakut ingerlatsinersoq,
- 8) ikiaroomartumik pinngitsuuisinnaanngitsuunersoq,

- 9) pineqaatissinneqarsimanermi nalaani ikiaroorartutorsimanersoq, imaluunniit
- 10) iperagaaguni nunamit anisitaasussaansersoq.

*Imm. 2.* Isertitsivimmiittoq iperagaaguni nunamit anisitaasussaappat atornerluisinnaanermik pisarnertut naliliinerup saniatigut isumaliutersuutigineqassaaq isertitsivimmiittup aneernini pineqaatissinneqarnermik ingerlatseqqinnissaminit qiimaaniarsinnaansersoq nunamit maannga aallarnermigut imaluunniit anisitsisoqarnissaanik aalajangiinerup piviusunngortinneqarnissaanik saneqqutsiniarnermigut.

### *Aneersinnaassagaanni piumasagaatit*

§ 3. Aneersinnaassagaanni isertitsivimmiittup nutaamik pinerluuteqaqqinnginnissaa piumasagaataavoq, atugassarititaasunillu allanik aneernissamut akuersissummik atornerluinerup pinngitsoortinneqarnissaanik imaluunniit inatsisinik eqqortitsinerup misigineqarnerata isiginiqarneranik akuersaarneqarnissaanik siunertaqartutut isigineqartunik piumasagaatitalerneqarsinnaalluni, matumani makku ilanngullugit eqqarsaatigalugit:

- 1) isertitsivimmiittup aneernerq inatsiseqartitsinerup atortinneqarneranut aneernerullu siunertaanut erseqqissumik akerliusunut atussanngikkaa,
- 2) angalanissamut pilersaarut aalajangersagaasoq malissagaa, siumullu akuersissummik pereersimatinnani sumiiffini allanngortissanngikkaa,
- 3) piffissaq eqqorlugu uternissaq napparsimanerup pisulluunniit allat saneqqunneqarsinnaanngitsut akornuserpassuk ajornartorsiutinilluunniit allatigut pilersoqarpat politiitut oqartussaasoq qaninnerpaaq aqqutigalugu isertitsivik telefonikkut ingerlaannaq ilisimatissagaa,
- 4) uterluni tikinnermini malugisimaarluni/ikiaroorluni takkutissanngitsaq,
- 5) aneernermini isertitsiviup sulisuunit ingiaqatigineqassasoq, tak. § 4,
- 6) aneernermi nalaani isertitsivimmi imaluunniit Pinerluuteqarsimasumik Isumaginnittoqarfip pensioniutaasa ilaanni unnuissasoq,
- 7) Pinerluuteqarsimasunik Isumaginnittoqarfimmut politiinulluunniit akuttunngitsumik orniguttassasoq imaluunniit tamatuma pissuteqataanik allatut nakkutigineqarneq akuerissagaa,
- 8) aneernermi najugaqarfigisaminit allaanerusuni najugaqassanngitsaq,
- 9) aneernerup tamarmi nalaani imaluunniit angalanissaq sioqqullugu angalanerullu nalaani imigassartussanngitsaq,
- 10) uterluni tikinnermini imigassartorsimanermit misilitsinnermi peqataassasoq, imaluunniit
- 11) pinerluttulerineq pillugu inatsimmi §§-ini 133-136-mi oqaatigineqartut atugassinneqarnissani akuerissagaa.

*Imm. 2.* Inatsimmik unioqutitsinerup sakkooortussusiata suuneratalu imaluunniit pinerluffigineqartup mianerineqarnissaata tamanna pissutissaqalersippagu isertitsivimmiittup sumiiffiit aalajangersimasat ornissanngikkai inuilluunniit aalajangersimasat tikeraassanngikkai/pulaassanngikkai piumasagaatit aalajangersarneqassapput. Atugassarititaasunik taamaattunik aalajangersaanngitsoortoqarsinnaavoq taamaaliorneq isiginiagassat oqimaalutaanermi aalajangiisuusutut isigineqartut ajornartippassuk.

*Imm. 3.* Imigassartortoqarsimaneranik misiliisoqassasoq aalajangersaasoqarsimanngikkaluarpalluunniit isertitsivimmiittup uterluni tikinnerani taamatut misiliisoqassasoq isertitsivik aalajangersinnaavoq, pisuni ataasiakkaani pissutsit

taamaaliorneq pissutissaqalersippassuk. Uterluni tikinnermi misissuinermi ingerlanneqarsinnaasumi itikkut utsuttigullu misissuinerit ilaatinneqarsinnaapput, tak. pinerluttulerineq pillugu inatsimmi § 221, imm. 2.

§ 4. Aneerneq isertitsivimmit ingiaqateqarluni ingiaqateqaraniluunniit pissasoq aalajangiiniarnermi aneernerup siunertaa atornerluisinnaanerlu isiginiarneqassapput.

*Imm. 2.* Isertitsivinnit ammasunit aneernissaq ingiaqateqarani aneernertut nalinginnaasumik akuerineqartarpoq.

*Imm. 3.* Isertitsivinnit affarmik matoqqasunit matoqqasunilluunniit aneerneq taamaallaat ingiaqateqarluni aneernertut nalinginnaasumik akuersissutigineqarsinnaasussaavoq.

§ 5. Aneernermi Danmarkiliarneq, Savalimmiuliarneq nunanulluunniit allanukarneq akuersissutigineqarsinnaanngilaq, pissutsit immikkorluinnaq ittut tamanna pissutissaqalersinngippassuk.

### *Tusarniaaneq*

§ 6. Aneernissamut akuersissuteqartoqannginnerani isertitsiviup politiit oqaaseqaataat isertitsisarfimmiittut makku eqqarsaatigalugit pissarsiariniassavaa:

- 1) isertitsivimmiittoq suliame pinerluuteqarsimanermit kingullermit tunngasumi siusinnerusukkulluunniit ulorianaarteqartumik pinerluuteqarsimasutut eqqartuunneqarsimanersoq, matumani toqutsisutut, piaaraluni ikuallatitsisimasutut, annersaasimasutut kinguaassiuutitigulluunniit pinerluuteqarsimasutut imaluunniit inatsisunik sakkortuumik pikkorissaarluinnarluniluunniit unioqqutitsisimasutut eqqartuunneqarsimanersoq ilanngullugit eqqarsaatigalugu,
- 2) massakkut pineqaatissinneqarsimanermit nalaani qimaanermini, aneernermini aneerluniluunniit utinngitsoornermi nalaani pinerluuteqarsimasutut unnerluutigineqarsimanersoq,
- 3) ukiut kingulliit pingasut iluanni pineqaatissinneqarsimanermit kingulliullup massakkulluunniit pineqaatissinneqarsimanermini nalaani qimaanermini, aneernermini aneerluniluunniit utinngortsoornermini pinerluuteqarsimanersoq isertitsivimmiittussanngorlugu pineqaatissiisutaasimasumik imaluunniit isertitsivimmiittussanngorlugu pineqaatissinneqarneranik kinguneqartussamik, imaluunniit
- 4) ukiut kingulliit pingasut iluanni isertitsivimmiinnissamut eqqartuussutit ikinnerpaamik marluk naanerisa kingornatigut iperagaasimanersoq, pinerluuteqarsimanerillu iperagaanerup kingulliup kingornatigut qaammatit arfinillit kingulliit iluanni tamakkiisumik ilaannakortumilluunniit iliuuserisimasani pissutigalugit eqqartuussaalluni isertitsivimmiinnerminik massakkut ingerlatsinersoq.

*Imm. 2.* Isertitsivinniittulli makku eqqarsaatigalugit politiit tusarniaavigineqassanngillat:

- 1) eqqartuussutip isertitsivimmullu inissinneqarnerup akornanni tigummineqarsimanngitsut
- 2) isertitsivinni ammasuniittut, § 18 tunngavigalugu aneernerit isertitsiviup avataani unnuinertaqanngitsut eqqarsaatigalugit,
- 3) isertitsivinni affarmik matoqqasuniittut immikkoortorta qarfinnilu matoqqasuniittut, § 18, imm. 1, nr. 8-10 tunngavigalugit aneernerit isertitsiviup avataani unnuinertaqanngitsut eqqarsaatigalugit, imaluunniit
- 4) isertitsivinni ammasuniittut, § 25 tunngavigalugu aneernerit eqqarsaatigalugit.

*Imm. 3.* Aneernissaq akuersissutigineqarsimappat kingusinnerusukkut aneernerit taamaattut allatulluunniit ittut tusarniaatigineqassanngillat, pisut annertuumik allannguuteqarsimasut atuutinngippata.

§ 7. § 6-imi malittarisassat apeqqutaatinnagit politiit tusarniaavigineqassapput, pisuni ataasiakkaani pissutsit tamaaliornissaq pissutissaqalersippassuk, imaluunniit politiit suliami pineqartumi tamanna qinnutigippassuk.

§ 8. Isertitsivinniittunut nunanit allaneersunut nunamit anisinneqartussanut aneernissamik akuersissumik tunniussisoqarnissaanik Pinerluuteqarsimasunik Isumaginnittoqarfiup direktørianut inassuteqaateqartoqannginnerani politiit oqaaseqaataat pissarsiariniarneqassaaq, pinerluttulerinermik suliaq Kalaallit Nunaanni suliarineqarsimappat.

§ 9. Isertitsivimmiittoq toqutsisimani imaluunniit ukiukinnerusunik annersaasimanini kinguaassiuutitigulluunniit pinerluffiginnissimanini pissutigalugu pineqaatissinneqarsimasooq aneernermini inunni meeqqanik ukiukinnerusunik inoqutilinni najugaqassappat imaluunniit aneernermini meeqqanik ukiukinnerusunik najugaqateqassappat atugassarititaasunik aalajangersaanermut isertitsivimmiittup kommunitut najugarisaata oqaaseqaataa pissarsiariniarneqassaaq.

*Imm. 2.* Imm. 1-imi oqaatigineqartutut oqaaseqaat aammattaq pissarsiariniarneqassaaq, isertitsivik isumaqarpat suliami pissutsit tamanna pissutissaqalersikkaat.

*Akuersissuteqarnermi atugassarititaasunik allannortitsineq aamma naalasse-riitsuliorneq pissutigalugu pineqaatissiisutit aalajangiineq*

§ 10. Isertitsivimmiittoq aneernerminut utinngitsoorpat imaluunniit akuersissummi atugassarititaasunik allatigut malinninngippat akuersissuteqarnermi atugassarititaasut allannortinneqarsinnaapput. Akuersissuteqarnermi atugassarititaasunik allannortitsineq pillugu suliaq § 15-imi malittarisassat tunngavigalugit suliarineqassaaq.

*Imm. 2.* Isertitsivimmiittoq naalasseriitsuliornermi pissutigalugu mianersoqqussutitut akiliisitsinertullu ilusilerlugu makkunani pineqaatissinneqarsinnaavoq:

- 1) aneernerminut utinngitsoornermini aamma ingiaqateqarluni aneerluni qimaanermini qimaaniaraluarnerminiluunniit, tak. pinerluttulerineq pillugu inatsimmi § 226, nr. 2,
- 2) piumasagaatinik atugassarititaasunillu pinerluttulerineq pillugu inatsimmi § 214, imm. 5-imi nalunaarummilu matumani § 3-mi taaneqartunik unioqquitsinermi.

*Imm. 3.* Isertitsivimmiittoq aneersinnaanermut akuersissummi arsaarneqarnermik naalasseriitsuliorneq pissutigalugu pineqaatissinneqarsinnaavoq, aneernerminut utinngitsooruni imaluunniit akuersissuteqarnermi atugassarititaasunik allatigut malinninngikkuni, tak. § 3, imaluunniit pinerluuteqaqqikkuni.

*Imm. 4.* Isertitsivimmiittoq aneernerminut utinngitsooruni qimaaguniluunniit ineeqqami kisimiiitillugu inissinneqarnermik naalasseriitsuliorneq pissutigalugu pineqaatissinneqarsinnaavoq.

*Imm. 5.* Imm. 2-4-mi suliat taaneqartut isertitsivinni naalasseriitsuliorneq pissutigalugu pineqaatissiisarneq aamma naalasseriitsuliornermik suliat isertitsivinni suliarineqartarneri pillugit nalunaarummi malittarisassat tunngavigalugit suliarineqartassapput.

*Imm. 6.* Unioqquitsineq pinerluttulerineq pillugu inatsit tunngavigalugu allanik pineqaatissiisinermit pissutissaqalersitsippat, matumani akuersissuteqarnermi atugassarititaasunik allannortitsineq aamma immikkoortortaqarfimmut matoqqasumut

nuutsitsineq ilanngullugit eqqarsaatigalugit, aatsaat naalasseriitsuliorneq pissutigalugu pineqaatissiisoqarsinnaavoq taamaaliorneq torersuutitsinermi isumannaallisaanermiluunniit aalajangiisuusumik isiginiagassat tamanna piumasaqaatigippassuk.

*Pissutsit isertitsivimmiittup atugai pillugit paasissutissat nutaat tunngavigalugit arsaarinnineq il.il.*

**§ 11.** Aneernissamut akuersissut arsaarinnissutigineqarsinnaavoq atugassarititaasulluunniit allanngortinneqarsinnaallutik, pissutsit isertitsivimmiittup atugai pillugit paasissutissat nutaat matuma ilimaginissaanut aalajangersimasunik tunngavissaqalersitsippat, tassalu isertitsivimmiittup aneernissamut akuersissut atornerlunniaraa, tak. pinerluttulerineq pillugu inatsimmi § 214, imm. 4, nr. 2.

*Imm. 2.* Aneernissamut akuersissummik arsaarinnineq pillugu suliaq isertitsivinni naalasseriitsuliorneq pissutigalugu pineqaatissiisarneq aamma naalasseriitsuliornermik suliat isertitsivinni suliarineqartarneri pillugit nalunaarummi malittarisassat tunngavigalugit suliarineqassaaq.

*imm. 3.* Akuersissuteqarnermi atugassarititaasunik allanngortitsineq pillugu suliaq § 15-imi malittarisassat tunngavigalugit suliarineqassaaq.

*Sulianik suliarinnittarnek pillugu malittarisassat immikkut ittut*

**§ 12.** Isertitsivimmiittussatut eqqartuussap piffissaq isertitsivimmiinnissami arfinilerarterutaa ataaseq ingerlareerpat aneersinnaaneq pillugu apeqqut isertitsiviup kingusinnerpaamik isumaliutersuutigissavaa, taamaattorli tak. § 22, § 26 aamma § 29.

*Imm. 2.* Aneernissaq itigartitsissutigineqarsimappat apeqqut isertitsiviup isumaliutersuutigeqqissavaa, aneernissamut piumasaqaatit eqqortinneqarsimasut kingusinnerusukkut ilimagineqartariaqarpat.

*Imm. 3.* Isertitsivimmiittoq apeqqutip kingullermik isumaliutersuutigineqarnerata kingornatigut qaammatini pingasuni isertitsivimmiissimappat aneernissaq pillugu apeqqut isumaliutersuutigissallugu isertitsiviup aammattaaq pisussaaffigaa.

**§ 13.** Aneernissamik akuersisoqarnera pillugu aalajangiineq isertitsiviup isertitsivimmiittumut pilertornerpaamik nalunaarutigissavaa. Isertitsivimmiittoq aalajangiinerup sunniutaa pillugu sukumiisumik tamatumunnga peqatigitillugu ilitsersorneqassaaq, matumani atugassarititaasutut aalajangersarneqartut atugassarititaasutullu aalajangersarneqartunik unioqquitsinerup sunniutaasa qanoq paasineqarnissaat ilanngullugu eqqarsaatigalugu, tak. § 3, § 10 aamma § 11.

*Imm. 2.* Aalajangiinermut tunngavilersuut, imm. 1 tunngavigalugu nalunaaruteqarnerup ilitsersuinerullu qanga pismaneri pillugit allakkiortoqassaaq (notat).

**§ 14.** Aneernissaq isertitsiviup itigartitsissutigippagu aalajangiineq pillugu allakkiortoqassaaq (notat). Allakkiap pissutsit aalajangiinermut tunngaviutinneqarsinnaasut issuarneqarat imarissavaa. Aalajangiineq tassungalugu tunngavilersuut allakkiami aammattaaq issuarneqassapput. Tunngavilersuutip inatsiseqartitsinermi malittarisassanut aalajangiinermut tunngavigineqartunut innersuussut imarissavaa, pingaarnertullu isiginiagassat naliliinermi aalajangiisuusimasut oqaatigissallugit, taamatuttaarlu pissusiviusut aalajangiinermut annertuumik pingaaruteqartillugit isiginiarneqarsimasut ilaatinneqassallutik. Allakkiap makku pillugit paasissutissat aammattaaq imarissavai:

- 1) aalajangiineq tassungalu tunngavilersuut isertitsivimmiittumut qanga nalunaarutigineqarsimanersut,
- 2) inatsiseqartitsinermi malittarisassat suut tunngavigalugit aalajangiisoqarsimaneramik isertitsivimmiittoq ilisimatinneqarsimasoq,
- 3) isertitsivimmiittoq aalajangiinerup Pinerluuteqarsimasunik Isumaginnittoqarfiup direktørianut naammagittaalliornissamut periarfissaqarneramik aam-ma Pinerluuteqarsimasunik Isumaginnittoqarfiup direktørianut naammagittaalliornissamut piffissaliussap qaqugu naanissaanik ilitserorneqarsimasoq, tak. pinerluttulerineq pillugu inatsimmi § 245, imm. 1.

*Imm. 2.* Isertitsivimmiittoq qinnuteqaruni allakkiap imm. 1-imi taaneqartup assilineramik tunineqassaaq, taamaattorli tak. § 16.

**§ 15.** Akuersissuteqarnermi atugassarititaasut allanngortinneqarnissaannik aalajangiisoqannginnerani, tak. pinerluttulerineq pillugu inatsimmi § 214, imm. 6, isertitsivimmiittoq paasissutissat pigineqartut pillugit pisariaqarneratut annertutigisumik ilisimatinneqassaaq. Isertitsivimmiittoq inummit allamik ikiorteqarsinnaanermik, allagaatinik paasitinneqarsinnaatitaanermik oqaaseqaateqarsinnaatitaanermillu aammattaaq ilisimatinneqassaaq, taamaattorli tak. § 16.

*Imm. 2.* Aalajangiineq paasissutissat pigineqartut tunngavigalugit pissaaq. Suliami pissusiusut qulaajarneqarnerat eqqarsaatigalugu paasissutissat amerlanerusut pissariarinarneqarnissaat imaluunniit sulisut isertitsivimmiittulluunniit apersorneqarnissaat pisariaqartuunersoq isertitsiviup aalajangissavaa. Apersuisoqarpat apersorneqartoq nassuiaammi imaqarniliorneqarnerata akuerinissaanut periarfissaqartinneqassaaq, apersuinerlu pillugu imaqarniliami atuarneqarsinnaassalluni akuersisitsisoqarsimanersoq. Apersuinerit isertitsivimmi sulisunit marlunnit ingerlanneqassapput.

*Imm. 3.* § 14 tamatuma pissuseqataanik atorneqassaaq.

**§ 16.** Allagaatinik paasitinneqarsinnaatitaaneq ingerlatsineq pillugu inatsimmi aalajangersakkat tunngavigalugit killilerneqarsinnaavoq, eqqartuunneqartup imminut pitsaanerusussamik isumaginninnermini allakkiamik atuisinnaanermik soqutigisaqarnera pineqartoq nammineq inuillu allat imaluunniit pisortat soqutigisaat, soorlu isertitsiviup isumannaatsuunera imaluunniit inuit ataasiakkaat illersorneqarnissaat, eqqarsaatigalugit tunulliunneqartariaqartutut isigineqarpat.

*Imm. 2.* Eqqartuunneqartoq ingerlatsineq pillugu inatsimmi malittarisassat tunngavigalugit suliami illua'tungiusutut paasitinneqarsinnaatitaanngikkuni suliami illua'tungiusutut tusarniaavigineqassanngilaq.

### *Aningaasarsiat*

**§ 17.** Sammisassaqartitsineq pillugu nalunarummi malittarisassat tunngavigalugit piumasaaqatit eqqortinneqarsimappata aneernerup nalaani kapitali 2 malillugu sulinermi aningaasarsiaqartitsisoqarlunilu nerisassarsiutisiaqartitsisoqassaaq kiisalu aningaasanik namineq aqutassanik tunniussisoqassalluni.

### Kapitali 2

#### *Aneeriaatsit ilusaat*

#### *Siunertat immikkut ittut pissutigalugit aneerneq*

§ 18. Isertitsivinniittut makku siunertaralugit aneersinnaapput:

- 1) inuk qanigisaq napparsimaruluttoq tikeraarniarlugu/pulaarniarlugu,
- 2) inuup qanigisap ilisaanerani najuunniarluni,
- 3) ilaqutariinni pingaaruteqartumik pisoqarnerani inuit qanigisat tikeraarniarlugit/pulaarniarlugit,
- 4) oqartussaasup pineqartup tamanna pisariaqartutut isigippagu eqqartuussivimmut pisortaniluunniit oqartussaasumut allamut ornigunniarluni,
- 5) nakorsamit misissortinniarluni katsorsartinniarluniluunniit imaluunniit allatut isertitsivimmi ingerlatissallugu naleqqutinningsumik katsorsartinniarluni,
- 6) inuttut namineq soqutigisat isumaginiarlugit, pissutsit immikkut ittut tamanna pissutissaqartippassuk,
- 7) katinniarluni,
- 8) piffissap nakkutigineqarfiusup ingerlanissaa piareersarniarlugu nakkutilliisutut oqartussaasumut attaveqarniarluni,
- 9) iperagaanermut atatillugu najugassamik suliffissamillu inuuniutissamilluunniit allamik pissarsiniarluni, imaluunniit
- 10) iperagaanissaq siunertaralugu pisariaqartunik pisiniarniarluni assigisaanilluunniit iliuuseqarniarluni.

*Imm. 2.* Misiligutitut iperagaanermut nakkutigineqarnissamik piumasagaateqarfiusumut atatillugu imm. 1, nr. 9 malillugu aneerneq aatsaat akuerineqarsinnaasariaqarpoq nakkutilliinermi oqartussaasoq siumoortumik oqaloqatigereerlugu aamma isertitsivimmiittup aneernermit nalaani nakkutilliinermi oqartussaasumik attaveqarfigninnissaa siunertaralugu.

*Imm. 3.* Aneertoqassappat nalinginnaasumik piumasagaataavoq isertitsivimmiittup pisut aneernermit tunngavissalersuutaasut pillugit uppernarsaatit pissarsiarissagai.

§ 19. Aneernissaq § 18-imi taaneqartunit annertunerusumik pisariaqartinneqartoq isertitsivik naliliippat apeqqut Pinerluuteqarsimasumik Isumaginnittoqarfiup direktørianut saqqummiunneqassaaq.

§ 20. Angalanermut najugaqarnermullu aningaasartuutit isertitsivimmiittup akilissavai.

§ 21. Isertitsivinni ammasuniittut inuit qanigisatik aalajangersimasut tikeraarniarlugit/pulaarniarlugit aneersinnaapput. Taamaattorli inummut qanigisamut tikeraarnissaq/pulaarnissaq siunertaralugu aneernissaq itigartitsissutigineqartariaqarpoq, tikeraarneq/pulaarneq siunertamut naleqquttutut isigineqanngippat.

*Imm. 2.* Pisuni ataasiakkaani pissutsit immikkut illuinnartut tamanna pissutissaqalersippassuk, tamannalu siunertamut naleqquttutut isigineqarpat isertitsivimmiittup inunnut aalajangersimasunut qanigisarinningsaraluaminnut tikeraarnissaa/pulaarnissaa akuersissutigineqarsinnaavoq.

*Imm. 3.* Aneernissamut akuersissuteqarneq ulluunerani aneernissatut imaluunniit unnukkat aneernissatut nalinginnaasumik pisarpoq. Pisuni immikkut ittuni, matumani isertitsivimmiittup iperagaangajalenera ilanngullugu eqqarsaatigalugu, isertitsiviup avataani unnuinissaq akuersissutigineqarsinnaavoq.

§ 22. Isertitsivinniittut aneernissaminnut § 21 tunngavigalugu akuerineqarsinnaapput, piffissaq isertitsivimmiiffissap qulerarterutaa ataaseq ingerlareersimappat, taamaattorli tak. imm. 2.

*Imm. 2.* Sapaatit akunnerini sisamani isertitsivimmeereernerup kingornatigut ulluunerani aneernissaq aatsaat akuersissutigineqarsinnaavoq, unnukkullu aneernissaq sapaatit akunnerini arfineq pingasuni isertitsivimmeereernerup kingornatigut.

*Imm. 3.* Isertitsivimmiittup imm. 2-mi piffissat piumasaqaatigineqartutut taaneqartut suli eqqortinngikkai aneernissaq akuersissutigineqarsinnaavoq, pineqartup piffissamik sinneruttumik naammassinninniarluni isertitsivimmiinnissaa siunertaralugu isertitsivimmut inissiisoqaqqissimappat. Tamatuma pissuseqataa atuuppoq pineqartoq isertitsivimmit allamit nuunneqarsimappat, a-peqqullu isertitsiviup taassuma §§-ini 6-8-mi malittarisassat tunngavigalugit saqqummiussimappagu aalajangiinerlu imm. 2-mi piffissat piumasaqaatigineqartutut taaneqartut naanissaat sioqqullugu tiguneqarsimappat.

**§ 23.** §§-ini 21-mi 22-milu taaneqartunit sivilunerusumik aneernissaq pisariaqartinneqartoq isertitsivik naliliippat apeqqut Pinerluuteqarsimasunik Isumaginnittoqarfiup direktørianut saqqummiunneqassaaq.

**§ 24.** Angalanermut najugaqarnermullu aningaasartuutit isertitsivimmiittup akilissavai.

*Aallaarnerit il.il.*

**§ 25.** Isertitsivinni ammasuniittut aallaarnernut aqqissuussinernulluunniit tamanit peqataaffigineqarsinnaasunut ilaanissaq imaluunniit klubbip sulinerani peqataanissaq siunertaralugu sivikitsumik aneernissamut ilaanneeriarlutik akuerineqarsinnaapput, anerneq torersuutitsinermi isumannaallisaaanermilu ataatsimut isiginiagassat akuersaarnartuunngitsuutinngippassuk.

*Imm. 2.* Isertitsivimmi naalagiarititsisoqarneq ajorpat isertitsiviup avataani naalagiarnernut peqataanissamut akuttunngitsumik periarfissaqartitsisoqartariaqarpoq.

**§ 26.** Isertitsivinniittut aneernissamut § 25 tunngavigalugu akuerineqarsinnaapput, piffissap isertitsivimmiiffissap qulerarterutaa ataaseq ingerlareersimappat, taamaattorli tak. imm. 2.

*Imm. 2.* Sapaatit akunnerini sisamani isertitsivimmeereernerup kingornatigut ulluunerani aneernissaq aatsaat akuersissutigineqarsinnaavoq, unnukkullu aneernissaq sapaatit akunnerini arfineq pingasuni isertitsivimmeereernerup kingornatigut.

*Imm. 3.* Isertitsivimmiittup imm. 2-mi piffissat piumasaqaatigineqartutut taaneqartut suli eqqortinngikkai aneernissaq akuersissutigineqarsinnaavoq, pineqartup piffissamik sinneruttumik naammassinninniarluni isertitsivimmiinnissaa siunertaralugu isertitsivimmut inissiisoqaqqissimappat. Tamatuma pissuseqataa atuuppoq pineqartoq isertitsivimmit allamit nuunneqarsimappat, a-peqqullu isertitsiviup taassuma §§-ini 6-8-mi malittarisassat tunngavigalugit saqqummiussimappagu aalajangiinerlu imm. 2-mi piffissat piumasaqaatigineqartutut taaneqartut naanissaat sioqqullugu tiguneqarsimappat.

*Imm. 4.* Aneernissamut akuersissut isertitsivinniittunut ataatsimoortukkuutaanut nalinginnaasumik taamaallaat tunniunneqarsinnaavoq. Sulisoq ataaseq arlalilluunniit taamatut aneernerni nalinginnaasumik peqataasariaqarput.

*Imm. 5.* Isernermut assigisaannullu akiliutit isertitsivimmiittup akilissavai.

*Imm. 6.* Angalanermut aningaasartuutit isertitsivimmit nalinginnaasumik akilerneqartarput. Pissutsit immikkut ittut tamanna pissutissaqalersipassuk isertitsivik isernermut akiliutinut tapiissuteqarsinnaavoq.



*Sammissassaqtitsineq, atuartitsineq il.il. siunertaralugit aneerneq, matumani nuukkallarneq (udstationering) ilanngullugu eqqarsaatigalugu*

§ 27. Isertitsivinni ammasuniittut aneernissamut akuerineqarsinnaapput, matumani isertitsiviup avataani najugaqarallarneq (udstationering) ilanngullugu eqqarsaatigalugu, tamanna sulisitsisumi sulinermik imaluunniit atuartitsinermit peqataanermik siunertaqarnermut naleqquttutut isigineqarpat. Aneernissaq aamma akuersissutigineqarsinnaavoq, tamanna iperagaanermut ikaarsaariarnissaq eqqarsaatigalugu siunertamut naleqquttutut aamma isigisariaqarpat.

*Imm. 2.* Aneernissaq aammattaq akuersissutigineqarsinnaavoq suliffissatut neqeroorut pitsaasoq aneernissaq akuersissutigineqanngippat annaaneqarsinnaasoq pissarsiarineqarpat, imaluunniit pisut immikkut ittut pissutigalugit tamanna pineqartup inooqataanermut sungiusaqqinneqarneranut annertuumik pingaaruteqassappat.

*Imm. 3.* Aneerneq sunngiffimmi sammisanut skemalerlugit ingerlanneqartunut peqataanermut aammattaq akuersissutigineqarsinnaavoq, isertitsivimmiittup tassani peqataanera isiginiagassanik ilinniartitaanermut, sulinermit, katsorsaanermut, ilaqutariinnermut allatulluunmut inummut namminermit tunngasunik naammaginartumik tunngavilersugaappat.

§ 28. Isertitsiviup avataaniikkallarinnissaq naleqquttutut isigineqarpat atugassarititaasut § 3-mi taaneqartunit allaasut aalajangersarneqarsinnaapput, matumani isertitsivimmiittup malittarisassanik isertitsivimmit ammasumit aneernermit piumasaqaatitut atuuttunik malinnikkumanera ilanngullugu eqqarsaatigalugu, taamaalilluni isertitsiviup avataaniikkallarnermit aneersinnaanermit annertunersumik aneersinnaatitsineq suliffeqarfimmit isertitsivimmiittup najugarigallagaanit aalajangerneqarsinnaasunngortillugu.

*Imm. 2.* Isertitsivimmiittoq aneernermit isertitsiviup avataaniikkallarnermik nassataqanngitsup nalaani isertitaqaatigisaminik suliffeqarpat aneernissamut akuersissummik tunniussissagaanni atugassarititaavoq isertitsivimmiittup isertitsivimmiinnermut akiliuteqartarneq pillugu pinerluttulerineq pillugu inatsimmi § 244-mi malittarisassat aamma Pinerluuteqarsimasunik Isumaginnittoqarfiup isertitsiviutaaniinnermut akiliuteqartitsisarneq pillugu nalunaarummi malittarisassat malissagai.

§ 29. Isertitsivinniittut aneernissamut § 27 tunngavigalugu akuerineqarsinnaapput, piffissap isertitsivimmiiffissap qulerarterutaa ataaseq ingerlareersimappat, taamaattorli tak. imm. 2.

*Imm. 2.* Sapaatit akunnerini sisamani isertitsivimmeereernerup kingornatigut ulluunerani aneernissaq aatsaat akuersissutigineqarsinnaavoq, unnukkullu aneernissaq sapaatit akunnerini arfineq pingasuni isertitsivimmeereernerup kingornatigut. Sapaatit akunnerini arfineq pingasuni isertitsivimmeernerup ki-ngornatigut isertitsiviup avataaniikkallarinnissaq aatsaat akuersissutigineqarsinnaavoq.

*Imm. 3.* Isertitsivimmiittup imm. 2-mi piffissat piumasaqaatigineqartutut taaneqartut suli eqqortinngikkai aneernissaq akuersissutigineqarsinnaavoq, pineqartup piffissamik sinneruttumik naammassinninniarluni isertitsivimmiinnissaa siunertaralugu isertitsivimmut inissiisoqaqqissimappat. Tamatuma pissuseqataa atuuppoq pineqartoq isertitsivimmit allamit nuunneqarsimappat, apeqqullu isertitsiviup taassuma §§-ini 6-8-mi malittarisassat

tunngavigalugit saqqummiussimappagu aalajangiinerlu imm. 2-mi piffissat piunasaqaatigineqartut taaneqartut naanissaat sioqqullugu tiguneqarsimappat.

§ 30. Angalanermut najugaqarnermullu aningaasartuutit isertitsivimmiittup akilissavai.

§ 31. Isertitsivimiittup isertitsiviup avataaniikkallarnerni malittarisassat najugaqarfisaminut atuuttut malissavai, taamaattorli tak. § 28.

### Kapitali 3 *Pisinnaatitaaneq*

§ 32. Pisuni politiinut tusarniaaneq pillugu §§-ini 6-imi 7-imilu pineqartunut ilaatinneqartuni aneernissaq pillugu apeqqut Pinerluuteqarsimasunik Isumaginnittoqarfiup direktøriata aalajangiivigissavaa, isertitsivik isumaqarpat aneer-nissaq akuersissutigineqartariaqartoq, naak tamanna politiit kaammattuutigingikkaluaaraat.

§ 33. Nammineq suliffeqarfisami isertitsiviup avataaniikkallarnissaq § 27 tunngavigalugu qaqutigooraluartumik akuersissutigineqartariaqartoq isertitsivik naliliippat apeqqut Pinerluuteqarsimasunik Isumaginnittoqarfiup direktørianut saqqummiunneqassaaq.

§ 34. Isertitsiviup avataaniikkallarnissaq Pinerluuteqarsimasunik Isumaginnittoqarfiup pensioniisa ilaanni pissasoq § 27 tunngavigalugu aalajangerneqarpat pisuni §§-ni 18-imi 25-milu taaneqartuni aneertoqarnissaa pensionip akuersissutigisinnaavaa.

§ 35. Isertitsivinniittut, suliassartaat nunani allani suliarineqartut, eqqarsaatigalugit aneernissamik akuersissuteqarneq pillugu apeqqut pisuni tamani Pinerluuteqarsimasunik Isumaginnittoqarfiup direktørianit aalajangiivigineqartassaq, isertitsivimmiittoq piffissami eqqartuussutip nalunaarutigineqarneranit isertitsivimmut inissiinerup tungaani ingerlasumi tigungmineqarsimangippat imaluunniit aneerneq § 6, imm. 2, nr. 2-4 tunngavigalugit tusarniaatigineqartussaangitsoq pineqarpat.

*Imm. 2.* Isertitsivinniittut nunanit allaneersut nunamit anisitaasussat eqqarsaatigalugit aneernissamut akuersissuteqarnissamut apeqqut pisuni tamani Pinerluuteqarsimasunik Isumaginnittoqarfiup direktørianit aalajangiivigineqartassaaq.

§ 36. Pinerluuteqarsimasunik Isumaginnittoqarfiup direktøria imaaliorsinnaavoq:

- 1) suliani pineqartuni kapitali 2-mi taaneqartumit annertunerusumik aneersinnaaneq akueralugu, pissutsit immikkut ittut taamaaliornissaq pissutissaqalersippasuk, aamma
- 2) isertitsivimmi imaluunniit isertitsiviup immikkoortartaqarfiani isertitsivimmiittup aneeriaasii kapitali 2-mi taaneqartunit allaasut akuersissutigalugit, pissutsit immikkut ittut taamaaliornissaq pissutissaqalersippasuk, aamma tamanna pinerluttulerineq pillugu inatsimmi § 214, imm. 1, nr. 1-imut naapertuuttuuppat.

Kapitali 4

*Atortuulersitsineq*

§ 37. Nalunaarut manna 1. januar 2010-mi atuutilerpoq.

*Kalaallit Nunaanni Pinerluuteqarsimasunik Isumaginnittoqarfik, 7. december 2009*

THOMAS NICOLAISEN